

逃

虛

類

稿

遜虛齋藁卷三

獨菴藁

送城蘊菴往天台金仙禪寺序

古之有道之士身愈窮而道愈盛位益卑而望益尊蓋其重於在己者而已重於在己者無庸淫谷之間蓬藿之下操而飲丐而食以蘇為衣以芒為屨与蛇虎居与猿狖遊而樂之終身有不厭也故藥山之腰篋神鼎之乾殘風穴之日乞玄沙之接氣而未嘗以貧窘為心而樂之不厭故其道成于身望尊于時

垂清卷于千載如一日也或曰智堯之於永  
明妙喜之于徑塢千礎之廣萬指之衆床座  
崇設鍾鼓迭震王臣之所敬仰龍象之所圍  
繞反不若藥山神鼎輩之窮乏者耶余曰不  
然智堯妙喜藥山神鼎輩皆大有道者也寧  
擇地而安乎使藥山居永明之墟而不為修  
妙喜處神鼎之地而不為窮何哉蓋其道之  
既同而樂之豈有異焉耳天台城師臨海沉  
厚雅澹然有遁者也今年夏所司選主郡之  
金仙金仙于郡刺位矣弗崇而臨處忻然

而自樂誠重於在己者也。比考試於  
京師，僧省榮中而還，乞余言為臨隱菴卷之  
行可尚矣。予欲无言，得手姑以古之有道者  
序以規之。

送芳上人遊甬東序

洪武十三年秋七月，余游甬東，扶策振襟，踰  
江絕海，凡會稽、四明、丹丘、鴈宕名山勝地，計  
必欲到。古佛化人者，僧偉士計必欲謁以厭  
遊觀，以廣識見。矣鯨波之洶涌，鸞嶺之崔嵬，  
道塗之危難，豺虎之橫虐，皆弗暇顧也。然登

涉躋板既勞且苦日酸且癢程莫能前遂半  
途而反也予是適經武林休于南屏之下適  
月嘉禾芳上人羅：馬而來恂：馬而進礼  
而告曰蒙公將遊南東請予一言為塗路之  
警幸勿以無似辭上人幽閑雅澹誠有志于  
道者豈敢靳其言乎夫人之遠游歷覽非青  
年不可也其時色充而氣驕志壯而力強雖  
艰苦陸塞而有旦當也余父矣病且衰志欲  
行而力不迨故弗遂其所計能无憾而已乎  
上人年方壯于遠遊歷覽宜矣名山勝地余

且之所未履者上人須到也古佛化人者僧  
佛士余目之所未識者上人須見也明年七  
月秋風起蘋末余將揭櫓于浙江之上以候  
上人之東還必有以語我也姑酌茗以餞其  
行

贈倫鑒董仲職序

余昔居鄉里時有傳神者自以其妙藝絕天  
下嘗謂人曰欲余傳神者非覓旒之尊必韶  
嬋兜鑿之貴也布衣常帶非弼袞天下士者  
吾弗與焉余見其大而誇意其藝必精且良

及請而試之乃知其不然者余遂怒而絕  
與交接也今年春余之錢唐道經吳江之同  
里過友人家因睹其像甚肖無毫髮遺失向  
其西者誰歟乃曰董君仲戒余以其藝精且  
良非向之所見言矣大而誇者余私喜之矣  
一日仲戒介友人過余客所而求見焉未幾  
余以向之所見言大而誇者為仲戒通仲戒  
乃撫然嘆而謂余曰此妄人也非藝人也某  
之族是藝子湖海間二十年矣上而王侯將  
相下而緇黃儒素之士至于耕釣工賈織春

屠狗之輩凡戴髮含齒者無有求而不與也  
蓋以其貴賤矣不肖富貴老幼之容苟余面  
之使其覲之則必各有所感發而反求諸已  
而已也故幼者得余面馬觀其少嫩之容則  
思所以力學而至于有成也老者覲其衰憊  
之容則思所以保養而享其高年也貧者覲  
其寒陋之容則思所以命予之定而無詭譎  
恣尤也富者覲其豐潤之容則思所以持守而  
死驕且吝也不肖者覲其浮躁之容則思所  
以收惡從善而慕其賢也賢者覲其溫謙之



容則思所以進德脩業而推己及物也賤者  
覲其卑劣之容則思所以服勤而事于上也  
貴者覲其尊嚴之容則思所以俯下而從衆  
也故余之見也如此而樂從其求況登人也  
豈有拒人之理哉余聞仲賊之言益知仲賊  
為賢矣非惟勉其同流亦足以激勵吾季聖  
人之道者余以仲賊豈可以向之所言見大  
而誇者同日語也仲賊臨別欲徵余文以贈  
余復何言哉遂書仲賊之所道者以贈之  
云

送璿瑜庵住鎮江府報恩禪寺序

佛祖無上妙道以心為宗幽深杳渺泯形迹  
絕言義跡之無見也聽之無声也執之不能  
及也擬之不能似也如此則學者其可吝乎  
學之不可其可已乎已之也則佛自佛而衆  
生不出于衆生矣故佛愍之惻之授之與之  
於無言說而言說也於無指示而指示也故  
有典章護施拈花示衆者此不得已也後之  
祖々相承或為廣說或為畧說至乎用喝行  
棒舞筭輟越此豈好為戲論者哉亦皆不得

已也宋司馬公嘗議吾禪者好為隱語以相  
迷大言以相勝吁公之為儒於方技性命之  
學無所不達豈特不知吾禪家之妙而有是  
說也愚謂當公時居師位者或不得已行之  
不卓宗眼之不正矜張終說務以或衆故公  
見之不得不有是說也若果不知吾禪家之  
妙而有是說者其可嘆也欣天台理師瑜卷  
慎請而冲澹博洽經論得禪主於育王大千  
照公然其已行之卓宗眼之正宜其出也而  
斯於人矣洪武甲子夏六月京口僧綱率師

主於郡之報恩來僧者試其業榮中而蒞任  
京師同宗之士咸賦詩以餞之徵余爲序余  
於師愛且敬豈可無言已乎余期師之蒞茲  
剎也踞祝座秉塵拂敷敷佛祖無上妙道大  
夫士之來相見有如司馬公者當以無言之  
言以曉之則幸矣

送日本歸藏主序

質之美者宜其文材之良者適其用故越溪  
之娃施朱銘而愈媚也楚甸之木斲梁棟而  
愈奇也蓋天賦地產間異殊致而非偶然者

矣聖人之教自身毒流于莖土暨海內外莫  
不皈之然宗其禪學者尤衆故注：大叢林  
其徒之聚何啻千百無間北南至虜于閩肅  
慎新羅扶桑之人無不有焉真言溟渤之會  
羣流上林之竭寥羽也然人之聚其室同其  
學聰敏慧秀者得之深椎魯鄙劣者得之淺  
故弗能一其教也于閩肅慎新羅扶桑之人  
噴稟不同榻扶桑之人清勁峭朗處叢林習  
礼法苟歷歲之久其坐作動止應對折旋與  
華人不少異蓋其天賦地產而非偶然者矣

銘勛扶業人也來中吳萬壽春堂中師萬壽  
大禪林也師以勛為賢命典藏室內外之李  
魚得其深非聰敏惠秀者歟信乎質之美者  
宜其文材之良者適其用勛也非質美而材  
良者歟茲勛之行矣吾將見其文之至而用  
之大也勛其勉乎哉勛其勉乎哉

送程民善還韶侍親序

木生乎豫章非凡材也鳥生乎丹山非凡羽  
也故物之良者不能自良也必由乎地之靈  
而致然尔况其人乎夫人之生異乎其物無

地而不有也聖賢豪傑所出之地多於名郡  
佳山水之間以其窮鄉卑陬荒茆黃竹人跡  
所不及者曾不見有其人焉程君民善吉安  
人也吉安古廬陵郡自昔所毓人物多間安  
英偉非常之士蓋其山川秀爽風俗忠厚不  
得不有之矣故民善之生於是郡也具聰敏  
之姿年逾弱冠好學而進之猶篤於孝友非  
名僧才士弗與交也嘗徙家於廣之韶又從  
親命適遊于吳之滬今年春將還韶侍親介  
其友孤雲師微余言以贈孤雲余知其尚於

友者也民善必頌矣故弗讓而言曰吁民善  
之生于吉安也歐陽公所出之地也徙家于  
廣也大舜鼓鼗之邦也商遊于吳也秦伯三  
讓之國也夫民善之出處歷代皆得其所  
哉余聞九苞之鳳非梧桐不棲千尋之木非  
岡陵不聚其信然矣今民善之歸也上堂閭  
起居奉甘旨必將竭其孝也竭其孝也則詔  
之民間其風而被其化蓋有不知其所以然  
而然者矣孤竊歆余言俾書以送之

送董仁仲知蒲田縣序



天下郡邑之民其為民一也然其所以異者  
特風俗澆淳美惡之有間矣故凡長民者得  
其人則風移俗易澆可使之以淳惡可使之  
以美不得其人則反是焉尔

國家混一天下於郡邑之官猶精擇慎取而不  
敢易在必得其人而後已丹丘董君仁仲有  
司以才舉之貢于吏部達于相府而聞于  
上授知縣化之蒲田縣蒲田異化之上邑也山明  
川秀田於閩中其民純儉服勤畊桑素習礼  
義其風俗於它邑為良今仁仲蒞于斯也必

能敷之以德惠施以政教使其民之淳者愈  
淳而美者愈美矣昔濂溪周先生知南昌其  
民更相告勿違教命仁仲儒士也慕濂溪之  
道者也其形頎然其貌豐然其儀肅然而壯  
使人望之神融而意化況即之而听其政教  
者哉將見其民之勿違教命必有如於濂溪  
之於南昌矣京師大士咸幸蒲田之得賢令  
也復幸仁仲之得良民治焉可賀也故於仁  
仲之行贈之以言者衆焉余雖道不同也於  
其行亦宜序而送之

送伏晦中住興化府囊山禪寺序

百丈大智建立叢林以安廣衆始有住持之  
設夫住持者傳弘佛祖妙通開示人天正路  
其人也必辭行之妙年膺之高道德之隆其  
聲光學問皆足以表可衆者始克居其位焉  
故白昔能膺是選而任是職者難乎其入然  
得其人則叢林興而大衆有所依不得其人  
則叢林廢而大衆失所恃故任是職者豈易  
為之哉近代之下古道日湮而住持之選多  
濫舉其人也必曰某有財力某有材力某能

熟矣故應戶後則舉也縱有解行之妙年膺  
之高道德之隆足以表於衆者及以迂而不  
合矣嗚呼法道之不苟者如是也欲使其有  
財力而住持者猗頓之富可也有機變而住  
持者楊倫之智可也能熟矣故而應戶後而  
住持者里胥廝養之徒皆可也又奚必圓顙  
方服而曰傳佛心宗者耶

上自開國以來萬機之暇留心聖教教官分司以理  
其衆鉏耰奸剔姦欲復古規故住持者非解行  
年膺道德聞望皆足以表於衆者不奉也然

舉其人也所司試其卒能中其式者始可得  
矣財力机变熟矣故應戶役者則鉅啄鼎道  
若此則古規之復叢林之興可立待也莆田  
伏師晦中行解俱妙膺高而德懿所司舉其  
住持郡之囊山禪寺今年夏來  
京師僧省試其學果中其式將行也徵余言  
為贈大囊山古禪刹也而晦中主焉傳弘佛  
祖妙道開示人天正路余見其叢林興而大  
衆有所依矣其可賀也夫其可賀也夫

讚銘說

白檀香觀音像贊 并序

日本僧巽航海來中國從師學細大法門有  
年矣囊中常負白檀香觀音像高僅盈寸大  
不踰指兩毫垂肩冠峨然而被瓔珞天紳楊  
風飄々不斷若髮莖以蓮花座以須弥置于  
聚龕隨處奉供觀其巧妙殊特矣中國之名  
工弗能製也海鹽天寧猷公与巽友善求而  
得之日夕保護以為法王大宝在斯希友有  
公於洪武乙卯以名通外忤被

召赴京師亦資聖像以往公試藝春宮志不

願出得

音賜還林下有同與其

召者巽行權師睹茲聖像礼敬忻慕心無有已  
公乃還巽行寓所安奉故余亦獲瞻仰如子  
見母不忍舍去於是巽行請贊余竊自念曰  
衍平生於顛沛患難中累蒙大士冥護至今  
頭目肢體不且以報圣恩萬一余豈收辭謹  
拜手稽首而作贊曰  
猗維聖者冥慈運悲以無作力攝受羣机應  
化十方弥綸剎海不動本際得圣自在以無

去來示去來相以無小大現小大量如春在  
花如月在水自然而然無是不是觀、聖德  
諸佛稱揚粵惟慈像刻白檀香高僅盈寸大  
不喻指相好殊特紫金光聚奉倚為誰比丘  
中契航海來吳不離日本隨緣赴感物、圓  
通曰璫与權教仰奚窮我觀聖者乘大願王  
歷僧祇劫度衆生衆生聖者若子与親子  
親惟吳寔本一身願我現在脫衆苦患用彼  
筆舌常陳贊嘆

觀音行海像贊



歸命過去正法明現前菩薩觀自在不舍中  
因中悲願力以法性身入法界法界衆生數  
無量凡有心起志能應衆生心想各不同菩  
薩應現乃隨類一身而能應衆起凡夫聞之  
墮疑細妙圓通力大自在以無有心故如是  
一身普入一切身一切身入於一身譬如一  
月印萬水一輪衆多月乃一惟水与月了無  
碍菩薩圓通亦如是又如万鼓一齊擊鼓聲  
雜衆聞乃一声与聞了無碍菩薩圓通亦如  
是或現鷹巢样殼中或携魚籃入鬧市或处

妙蓮花世界或生南海宝陀岩不離穢境色  
是空常居淨土空是色、空申穢老平等苦  
薩圓通妙無比有唐画師吳道子曾入圓通  
三昧門菩薩变现諸相好筆端写出皆合妙  
菩薩蹈海如履地珠衣飄揚随天風善財泰  
礼涉波濤了無驚怖得自在今之画者誰氏  
子模得其真良可美使人見此空月想離諸  
垢染身清淨身覆淨清得解脫此是菩薩勝  
方便以此方便施衆人盡未來際無有盡願  
我速滅愛欲障願我速證無爲果願我速得

大智慧願我速具廣詞誦願我速具如善財  
常隨菩薩得贊禮

觀音畫像贊

衆生迷本聞循声故流轉菩薩妙無間以諸  
法空故諸法既空滅菩薩空无相无相乃寔  
相應身故隨類猶如春時風亦如秋夜月周  
流十方圓了無有所礙攝受諸衆生而無分  
別不可得菩薩即衆生衆生即菩薩亦不有  
差別而現差別相衆生故有求菩薩乃能應  
常在白華岩宴坐紫竹林闡化諸方所曾不

離本位善哉覺衆生是名觀自在

文殊菩薩贊

稽首文殊師當來普見佛妙德如海  
彌勇健無与擬毘贊釋迦尊開化娑婆界維摩曾問  
疾勝義說不二楞嚴前圓通妙智盤走珠或  
持持於千鉢或現於五髻或來福城來提獎  
六千衆或為妙光師教導諸王子  
常在清涼山善住金剛窟  
萬衆長圍繞  
听彼師子吼

普賢菩薩贊

洪惟覺有情故号曰徧吉身成白玉色五十

種妙光及諸毛孔間金光流晃耀入解脫境  
累發十大願王示我同沐悲不勝難行、輔  
佐于良能敍以諸遜和廣度于一切悉超薩  
婆海善財菩薩于泰和備孝五悔為宣說  
一、唯忍識善哉白象王回旋良可畏

### 三教圖贊

瞿曇古佛宣尼古人咄哉老聃三聖同心弥  
綸八荒色括萬象昇立世間天日之仰即一  
而三即三而一稽首贊言虛室著筆

### 四睡圖贊 并序

夫虎猛獸也。去之悍矣。烈士遇之。則必心顫  
膽慄。而韓且遜焉。豈于禪師及寒拾二子。當  
於天台山中。并之同睡。不其異乎。然異之者。  
衆人也。智者必不異矣。何哉。蓋知至人無我。  
况有虎耶。虫与之睡。亦不有其睡矣。宋杲楷  
寫為圖。以傳于世。觀其用意深密。筆法精利。  
亦可謂能品練川。屈信氏得而珎之。微猗為  
贊。故贊之曰。

以虎為虎。見之必驚。以虎非虎。見之必迎。虎  
之與人。均一佛性。同居睡鄉。咄此三聖之心。

無礙平等大慈我既不有嗔亦無爲我即是  
虎亦是我一旁而忘無不可曰因自贊  
是爲檀門揭諸坐隅以警其昏

三高僧贊并序

夫僧之高者古今出之所罕出者也其通行  
峭絕踰越羣類處岩谷草澤而飯糗糗優  
游歲年王公召之而不赴威武加之而不屈  
卓然猶長杉鉅檜歷霜雪而不變其操出言  
吐辭弗顧諱忌遊戲自如曾無有物能累其  
心者得名爲高僧焉唐之高僧曰清畫曰靈

徹曰道杓者交遊荐紳間以詩章唱酬而不  
與岸紳大夫士相韻頌於聲勢之道故雅俗  
無不稱其為高焉諺美之曰雲之盡能清秀  
越之徹如冰雪杭之杓摩雲霄蓋三高僧非  
以其詩得名為高良由道行而致之耳吁三  
高僧果以其詩得名為高此誠不足高直可  
少之而已也殊不之於其詩唱詠歌出於  
道腴則其高固不在乎詩而在乎道也衍生  
千載之下朴鄙憑昧竊慕夫三高僧之道勉  
為贊詞俾吾徒知三高僧之道之高非繫於



詩也贊曰

維師曰畫通敷德茂蕤揮詞華山清水秀  
紳遊授魯公惟厚逝矣云遠声華弥壽維師  
曰微律嚴行潔若居水飲耿介卓絕陶情寫  
景鏤冰啄雪陵谷有迂道間難滅維師曰杓  
行實弥高道氣耿、凌雲厲霄驅龍降澤  
枯沃焦四海景慕像中之豪

十六羅漢圖贊并序

梵語阿羅漢此云無圣言其現練薰脩斷上  
八地七十二品思惑俱盡四智已圓無法可

學故名無李又云無生又云殺賊又云庄供  
從怖魔以稱死生從破惡以名殺賊從乞士  
以成應供因含多義故不翻梵語也此果別  
辨有九種曰退曰忍曰護曰住曰進曰不動  
曰慧解脫曰俱解脫曰無疑解脫慧前六種  
約根性而立慧俱二種約現行而立無疑乃  
根性現行兼舉耳如上所謂並隨果位而言  
之也若以法華四秘菩薩行外現是聲聞者  
此特彰其近不可以果位局之矣楞伽有三  
種一得決定性二增脩菩薩三應化佛所化

決定性與增修菩薩行者隨果位而言之可  
也應化佛所化者又豈可以果位局之耶如  
佛在十六大士神通妙用福慧兼備得非應  
化佛所化者哉月潭淨上人蓄水墨画一幅  
其筆法類貫休頗精妙法蓮耳聃真老比丘  
相不知十六位中第几位也上人請余贊余  
謹拜手述阿羅漢之大槩不同如此乃復贊

曰

聖人應世務於利物不空其方有泥其迹陰  
陽罔拘鬼神莫測詎同凡論欲墨厥惠是阿

羅漢慕滅情通用已智力斷彼煩惱四果受  
位九種別號隨号是常局位匪妙內秘外現  
猶石金玉垂同幻人真不離俗應佛所化豈  
惟十六游戲自在福慧具足睦茲西者十六  
之一蓮首稿頃独坐岩石合掌受供童睡其  
側呼為應真天地縣隔

穹隆厚禪師印章舍利贊并序

吾宗之得佛祖心髓具大眼目者多晦其形  
迹潛其声權处山谷塵市間与尋常人伍或  
焚靈瑞於生前显光明于致後使世間人知

其為法之妙響應而景從者蓋其光明靈瑞  
如春之在花月之在水元非有意而為之也  
率皆出于自然而然者矣穹隆山元翁厚禪  
師西丘下三世孫也心契佛祖道孚天人八  
十有四步龍鍾而兒童稚隱德密行於家林  
有年矣海內衲子不憚千里重趼來叩者踵  
接其扉禪師于語默咲教動止顧眄无非直  
示此道故虛往而寔還者多矣一日三韓僧  
希壽持卷求偈禪師惜其誠敬展卷泚毫大  
篇長句一揮而就使名印于上啟函取之俄

見篆隙有一物縈然而起扶之其大如菽光  
明燦赤乃舍利也人皆偉之禪師曰吾無有  
也慎勿誇異於人余嘗遇禪師而履踏焉既  
而嘆曰夫舍利者乃定慧力所成就佛法之  
明驗也然多出於人毛髮爪齒肌骸之間以  
彰其志行茲生於印章亦猶罕焉詎禪師之  
有意而為之者哉蓋印者信也舍利之生于  
斯者要欲表其大法光明無乎不在而起人  
之信也矣於是吳郡道衡拜手說偈以贊

、曰

舍利至神物至人斯能有斯由定慧力堅固  
所成就生于肌骸間往々日所睹藏以七宝  
塔龍鬼咸戴仰水火莫能灾天地有安滅法  
物終不坏元翁真古德麗眉步龍鍾西丘三  
世孫妙契涅槃心千偈如瀾翻祖佛同一舌  
舍利出印傳於安寔希有爛然几案間見者  
悉起信若作灵瑞想病目成空花不作灵瑞  
想渴鹿奔陽燄二想不可得一切皆光明我  
作是贊詞如露沛大海普願諸有衆勿生憎  
上慢稽首十方佛稽首六代祖於刹々塵々

證我如是說

沙大用小像讚

出于閭之右族習洙泗之威儀貌全衆異心  
母自歎惟憚冠裳之典雅不貴裘馬之輕肥  
其潛雜也無間於市廛林藪其適意也有得  
於尊姐歌詩人不尔知而弗愠即此終老亦  
奚疑誠古之樂天知命能處順而安于時者  
也

楚石和尚贊

峭：奇骨凜：英風擅一代之長居萬夫之



雄随机應用若雲門大師俾李徒望風而至  
信口答禪如趙州古佛全辯者飲氣而降不  
啻渡河看象何異出海傳龍生緣象山而化  
行兩浙說法龍泉而名徹九重論鬼神  
事繫伏黃老異流和寒拾詩歷制鴻儒鉅公  
此蓋師生甲之末事人猶口之而無窮況其  
於一毫端得宝塔之妙向微塵裏幻紫園  
之重之至于掬漚火聚瑞骨靈空掃蕩空凡  
遠轍超出佛祖位中真為如喜六世之孫而  
大振清北之一宗者也

張宜齋小像贊

溫然若玉君之相也。奧然若谷君之量也。蔚然若木君之行也。發為辭章。浩乎無涯。猶百川之漲也。矧得趣於琴觴之間。忘情於泉石之上。述其名而名愈張。抑其氣而氣愈壯。謂唐堯虞舜之言。鼓文王宣父之極。非今是合性古是向耳乎。是藏林壑而逐其高尚者也。

紫竹杖銘 并序

余年四十有七。法弟鏡以紫竹杖壽余。喜。

老而有所倚也銘曰

虛而心堅而質直而端阿君子之德平安其  
行尔之力

蓮華室銘 并序

洪武九年春衍表

昔還西山之海雲院聞小室奉弥陀西像于西隅昕  
夕面之西称念無過客則終日危坐澄想而  
已名之曰蓮華室焉蓋期當來極樂國中蓮  
花化生也夫極樂國有七宝池蓮花四色大  
如車輪或高十二由旬一花葉有八萬四

千光明甄叔迦宝梵摩尼宝以為映歸九品  
間列三輩化生凡他方安界衆生寸積一念  
欲生彼國者善根所感池內即成一花精進  
者鮮榮懈退者萎悴故龍猛云若人種善根  
疑則花不開信心清淨者花開既見佛好自  
少時知有弥陀教法業深障重衆業願造修  
或進而或退若年四十有八死期將至故痛  
自鞭策要必往彼國蓮花化生也 冀是花之  
有榮而無悴因扁其室以自勗焉乃為之銘  
曰

醫彼蓮華生于寶池善根所感聖澤是滋大  
如車輪不維四微摩尼間飾光明陸離龍極  
格言信而弗疑嗟予小策倘亡罷乃期其夢  
有榮無萎決定托化在此銘詩

吟室銘并序

劉克澄氏燕人也端敏諒直自幼讀書力學  
多從大人先生遊聞見甚廣志不在利達蕭  
然一室居閭閻中克澄無求於人：無有不  
敬愛於克澄者然酷嗜詩上自三百一十篇  
下而至於漢魏六朝唐宋與夫前元近体及

今人所作凡贈炙人口者無不博覽強記充  
澄直不苟為而深得吟咏之情性每於花前  
月下風晴雪霽之時或會賓客出尊俎勸飲  
廣酬行吟坐咏自怡自得超然若處世外放  
局其偃休之所曰吟室尋以晦菴朱先生所  
書吟室二字揭諸門楣來請銘于余：与克  
澄年相若而同好於吟遂為忘形交既久且  
善故弗辭而為之銘：曰  
瞻彼蓬廬衡門蕭々嘆我君子於焉道遥出  
厭黨俗靡狎漁樵志超萬物山林市朝寓意

於詩情得其正風晨月夕行吟坐咏飲酒樂  
賓同誰共慶人無有識披安願命疏櫺紹  
弄植野：即近而遠何如考樂嗚呼晦菴尚  
存遺墨揭諸榻間永光斯室

百丈泉銘 并序

行末學佛時往來西山則知有海雲院迪公  
禪師孤劉秀傑卓然特出其言与行一弗妄  
荐紳大夫多願交於公而公於荐紳大夫士  
亦無拒時行方童非稚敢而慕之不敢趨而  
見後年幾冠始學佛廁僧倫四方雲水之士

凡評論人物無不以公為稱道故衍益加敬  
而慕之偶直書失寧流離散處而弗克見也  
又十年公之孫愚菴主在山錄軒掌記而公  
已化去久矣於戲軒三十年之間慕公之名  
弗獲公之面而見嘆于公也其可嘆矣公嘗  
卓錫于穹隆山之上荒茆蕞蕞間有泉發而  
出焉汪演滿泓涸二偈有不可止者公以篋  
引至於危瀕之所殆不可以犬尺計故約而  
目之曰百犬泉燠滂如一雅俗逮今神異之  
至正甲辰秋衍歸自在山海雲拜公之像方



登山而尋所謂百丈泉俯而眎之其色白而  
潔掬而飲之其味甘而香他泉名於天下  
者其寔亦此過也乃為銘曰  
泉之出于石也威公之通行汪濊演漾引而  
流之詎有止乎百丈因而名之是以傳惟以  
公子孫之多頌欲知其家聲德澤之不墜而  
永々無窮者庶有見乎斯泉也

清安堂銘并序

天之高也非清可步非清則三光不能朗而  
耀嶽之大也海之深也非清可步非清則衆

峰不能秀而拔萬象不能影而見況夫人之  
心乎夫人之心至高也至深且大也非天之  
與海岳也為一身之主汨而亂之則萬態並  
作澄而靜之則四體俱息故凡欲安其身者  
必先清其心可也不先清其心而欲其身之  
安者未之有也勾吳沈君達卿溫厚而慎雅  
慕老氏之玄凝慮屏欲作堂於周谿之上為  
休養之所題其額曰清安所夕於茲昧之以  
自傲後來請銘余嘉達卿之安其身以得其  
要者也遂不辭而銘曰

心汨而危其德緣如心激而微其神乃紆欲  
激夫心須守其一：念與思萬德皆室堂虛  
而明寔啟我皆是清是安以遺其子孫

### 二童子名說

二童子從吾遊長曰智常次曰善住吾以二  
童之名嘉矣惟恐常不知其所以常住不知  
其所以住而常者滯焉住者膠焉吾故不得  
與之說常前乎吾語女乎一知水之在川乎  
流之無息而不離於川之常也偃之則為智  
焉住女之住也珠之在盤轉之無停而不出

於盤也住也住之則為善焉住珠之在盤焉  
不轉珠則偏多常水之在川焉不流水則潤  
矣偏者膠之潤者滯之常乎女勿滯乎住乎  
女勿膠乎勿滯勿膠猶水与珠女其懸乎

述虛類纂卷四

獨菴纂

禱著

與郭考功書

文遠考功閣下紉自曉人事出游湖海間凡  
儒老二教泊同宗之士有道德聞望過於人  
者無有不求知也苟知之無有不往而求見  
者也雖或險難間阻求見之不得然亦無有  
不懸于懷者也閣下為浮園居越中時已有  
通宗鑑德深于文學之名貫于人耳時衍欲

往求見兵後被服器用無一完有所以藉於  
出入故不得遂其求見之心為根未幾越人  
來言閣下已掌記龍河際遇

聖君命逆初服官于內廷凡識閣下者無不頌  
上之知人也乙卯夏初因起取到京始獲曉夙度

握手一咲如舊知己閣下畧不以爵位自倣  
驕於吾儕襟抱閭澹曾弗異於草澤中人自  
非通宗毓德之士惡有能若是之賢者耶初  
故敢於閣下友而論之夫浮圖之教急於利  
生菩薩有四攝法以導多衆或與共同事化

全成佛雜屠沽漁樵最劣之類以身混之曲  
於化道然亦何嘗局其形服以自挾歟今問  
下學足以贊襄

聖化文足以黼黻

皇猷生達唐虞之世置身霄漢之間當悉休

意宣流鬼神使萬方黎庶至於草木禽畜無一不被

其澤無一不得其所閣下能如是而大行之

其功其德与岩穴林莽同枯木死灰獨善其

身者萬一相去矣衍樗櫟不材分甘老死丘

壑還瞻青雲志何極惟冀閣下不忘靈山

付囑為佛法外護不修持再拜

與止仲書

道猗奉書止仲著作呈下向辱手教及謬蒙  
跋語何其許与太過展卷讀之不覺而熱汗  
出慙怍曷可云喻猗林藪鄙夫學淺文陋豈  
不自知惟藉良友歲規劘礪冀其成德故汎  
遊四方廣衆之中以求其友也呈下高明類  
達迥越流輩豈臣之所敢擬哉然呈下不以  
疎野見絕朝夕往來啟沃良多非猗之所望  
也何為所貽之言一以褒美而無歲規之益



豈得庸愚非器不呈以箴規使其成德乃褒  
美之欲其喜於一時者耶故人多以呈下之  
言接於紂也紂甚不然之呈下怀仁佩義直  
而且諒惡旨見欺於我哉惟有褒美欲其喜  
於一時者紂以呈下非佞也夫去之佞者見  
其人或名位之崇峻勢敵之熏灼欲其陶冶  
拔擢而有以佞之者或貨利之豐積飲食之  
濃厚欲其惠濟供奉而有以佞之者或年齒  
之高宗黨不得已而佞之者蓋有之矣顧紂  
懷服豷髮悻處岩谷名位勢敵何有也日乞

一鉢自活其命貨利飲食何有也況齒之不  
高又非宗黨之尊豈王下之倭於術者將何  
所圖焉此紆之所以言王下決非倭也況王  
王下交游數年知王下惟詳王下識高而見  
遠學博而文深作德足以裕人立言足以垂  
世人有不善雖以千金之遺欲求一言以飾  
弗予也人有善雖無半日之雅亦必為之稱  
道以王下之為人若此安肯倭於一寒士哉  
紆意王下之言有褒美而無箴規者何也使  
箴規之恐吾畏難而弗進不若褒美之欲吾

悅易而自至也是亦古君子善誘人一端故  
衍信之不疑矣感佩盛德當如何哉三下開  
館湖上相去無十里扁舟往來得接妙論何  
其幸歟然衍之所以望于左右者當以箴規  
為益毋以褒美為善也奉書不謹

與黃中父書

衍四月中挈舟來游江上訪舊所知識因登  
呈下之門幸呈下念衍久凋歎然亦近律、  
喜色動於眉睫之間館我教我朝煦夕沫魚  
迭示佳章啟我蒙昧病則命醫躬為調藥春

問不暇觀豈下之厚情至意過於肺腑心膺  
之戚自非道同志合愛術之深者何有如此  
勤重也斜見凡今之人道之不同志之不合  
者惟有肺腑心膺之戚及其窮危患難內  
不顧況其朋游也欽衍与豈下道雖不同其  
志則合道之不同者形有異也志之合者皆  
好於古也好於古則通乎理通乎理則不滯  
其形矣不滯其形而從其志故交之愈深而  
愛之愈篤終日見而不畏其煩千里隔而不  
忘其好也昔秘演之与曼卿道潛之与秦觀

游溪泉石之上形容文字之間忠義藹然過  
於肺腑心膺之戚蓋其志之合而忘其形者  
也豈下才高學博不卑於秦觀氣充行果何  
弱於曼卿寔非今人中所求有者顧竹深野  
愚輒無秘演通潛之美而豈下愛竹之深有  
逾于秦觀曼卿之於秘演通潛也感佩之心  
豈可益也玆衍托迹西山度此炎夏會晤未  
知何日惟有矯首東南遐思長想而已曷勝  
惋悵之至謬文與詩共若干首謹用錄呈以  
代言讌惟兩鑒斧削不宣

存年文

至正乙巳夏六月余行壠上眎苗之長否有  
老農泣於旁余問其故曰夫蠶半食苗之根  
苗槩死矣其類蔓滋幽陰潛匿人捕獲莫能  
極其醜苗死矣歲必飢吾門寧免罄乎是以  
泣余謂老農曰半之生造物者使然既非力  
所能為必假神明而為之可也尔無泣奈端  
為文以告田祖而存之其辭曰  
維聖曰稷肇興稼穡通彼黎庶惟師惟戎乃  
邦之本託靈仰食伊農服勤寧較其力耰耕

以時庶薄孔棘伏水逾湯棲日猶炙寅昏不  
遑惟餉惟息隴畦畝黍稷苗蕤々風偃雨膏  
雲布土匿將成方早未遂堅寔惟秋之望獲  
歛以給夫何茲年歉為我賊羣分散巡密行  
潛伏身堅介胃截利劍戰膚未不傷糧抵是  
餒甚於糠莠恠乎捩腰席狼之凶降藁之螫  
雜物之害觸其不測夫何滋年橫肆無射雉  
楚之羽莫並其雪漢之弘羊奚翅其刻行非  
卷五類趙萬億儵然而具翕然而蟄勦帛可  
陰捕莫能執天胡不仁除此戾物老嫗殿屎

雅望稠慙不有飢亡寧免萊色夫何茲年產  
必有或方究漢志席吏抵冒名此奇邪以禍  
正直方今之吏盡副厥責佩義服庶弊猶未  
剔於固有忠於民有恤夫何茲年以誰而得  
敢告田祖運用錫斤積懔以焚裂石以攄盡  
祀其族永珍其臨恭考厥：苗兮翼：庶幾  
神明歲祀弗諫

讀至天隱文集

余少為浮屠而嗜於文凡昔浮屠之號能文  
者之文無不偏求而博覽也其文或瞻而不



真或簡而不詳或深而太晦或怪而太奇或  
文之過而不顯其道之昧而不貫其文是多  
不得其正者也得其正者惟宋之鐸津元之  
天隱也鐸津之文無復論矣天隱之文姿性  
充婁間學深著故其作也別心鏤肝敦章琢  
句力欲削去陳腐而不背馳於作者之極珠  
瑩冰潔照映簡冊使人讀之味萬咏而不厭  
也袁文清公言天隱之文持東太過而不少  
縱文清之言未嘗不然也天隱曰蓋古之縱  
者非求於為縱也東之極則至是矣不能是

而苟於縱則無以禦隔陳言吁非天隱之於  
文不精詣而深到惡能有是言耶余故每以  
天隱之言為規雖然天隱之言非但規於余  
世之孝於文者舍是而將何規哉

血書華嚴經偈 并序

笠澤沙門志學刻志厲精歷十指血書華嚴  
大經以報父母行乃睹此希有之事稽首作  
禮說偈贊曰

我聞十方諸善逝異口一音而演說所說種  
、諸行海諸行海中孝為最在家出家衆上

士靡不以孝得道果孝分細大与廣狹所得  
道果亦復然有大必名志學其孝於人冥  
無等不脩世間供養具利指端血書雜華經  
卷八十一十萬偈句無有邊一點一畫皆孝  
義光明綸燭如紅雲悲見本身虛舍那住行  
向地諸菩薩善財所奉知識衆法身普現紅  
雲裏紅雲留贊不思議於諸法身亦無量法  
身与雲既無量佛子孝義亦与等譬如帝網  
週法界交光相羅无壞雜我現世間為孝人  
泣筭懷橘并躍鯉生事无差及祭享立身場

名显其親此是世间最孝者善哉佛子異於  
是能以父母所生体澄清淨血書大經用報  
父母罔極恩若以世间孝為比百分千分不  
及一譬喻等量豈能得佛子推行希有事而  
亦不作希有想以此功德為最勝三寸之舌  
贊莫及不可思議辯才海不可思議音聲海  
不可思議言詞海極未來際而贊揚方有少  
分之所得我今託偈表微誠如滴入海塵附  
山惟願佛子常精進得證舍那根本智直入

普賢行願海

送梓人李均茂倡并序

姑蘇城中齊女門內有天台教寺曰北禪寔  
於其宗稱第一有大沙門佑公法師聿來  
補處寺羅手兵化為丘土法師俯視惻然興  
懷惟此通協諸祖化地豈可使彼蓁莽產礫  
蕪淫靈跡法師於是躬集衆因首為興立大  
雄寶殿洪武戊午春正月落成之日法師為  
衆弘暢法會電震鯨鳴遠近徒侶雲委水赴  
登寶花王作師子吼闌一乘道燒種、香然  
種、燈兩種、花垂種、雲結種、蓋蓋若

天若人若阿素洛若乾闥絳悉皆熙怡有祥  
人者李均茂氏越衆頂礼殷勤三請問大法  
要法師嘆言善哉善哉汝能為衆諮詢斯旨  
當知諸法體性空寂言說何有汝既應誠吾  
當強說維我竟皇至尊無上為衆生故出于  
世間以大智慧施大方便現彼机宜建立妙  
門八萬四千隨方來者一、攝入同歸宝所  
譬如大匠左手執引右手執杖度其材植短  
長纖鉅彼可為楹此可為棟各遂其宜始成  
手室周圍具備融通互攝彼、雖異而不見

離彼、離襍而不見異不見作相不見受相  
不見成相壞相增不可得減不可得恆：是  
其誰能名汝能於此候焉證入當知功德  
如恒河沙豈可得而思議者也彼梓人者聞  
是說已惟喜踊躍至心作禮退坐一面无所  
得予時亦在會而自念言非此梓人無由得  
聞是大法要於是合掌向梓人前說偈以讚  
曰

奇哉最勝子精勤無有上曾於百千生深種  
善根故以智慧為匠造作諸佛事用結廣大

緣不老安利譽來此正竟場成是大雄殿莊  
嚴甚殊勝何異普光明中奉真金像天人生  
忻慶奇哉最勝子願去去向常參諸佛會  
常隨諸佛學永無魔境境成就大菩提功德  
不可量讚揚莫能盡

送巧人呂伯通偈并序

嘉禾呂伯通氏以巧為業甚良占人巧弗較  
其直居眾巧之右王侯第宅無不俾其巧焉  
人見其明且善而未賞以巧人待之今年來  
蘇之北禪教寺蓋大佛宝殿不計其功務欲



其美一博一瓦曾弗妄措故嚴整堅密完若  
天造茲厥功告成往持佑公法師請余為文  
以贈余以伯通素巧人能深信大法倘進無  
怠故不辭而託偈以贈偈曰

吾聞世間諸有衆工巧技藝各有萬交作互  
用成器衆若一有缺則不成嗚緘美惡種々  
異莫不皆由心所造當知此心無所得無所  
得中乃有得酬接萬事悉无盡以無盡故常  
平等伯通呂氏真佛子以巧為業造其妙僚  
尤郢鑿莫与擬是故此人甚希有菩提不求

況舍利良以無所得心故茲來吳城大慈寺  
傾力蓋以大雄殿一博一瓦不妄措嚴整堅  
密無能及維此宝殿甚高廣博木土石所合  
成若博若木若土石各一性相在差別合  
成一處如虛空於中了無差別相無差別中有  
差別一切不異尋香城我觀微塵諸刹土從  
一微塵而出現是諸刹各不同於一微塵  
無二微塵刹土無有盡佛子功德亦如然了  
知功德無所著是名第一不思議

傳行狀祭文

護蓮忠禪師傳

禪師諱信忠字直巖昆陵陽羨人也生南宋  
寶祐癸丑冠出俗行杜多行衣獎茹枯習禪  
靡懈始來如胥城西要遠鑿井構亭以休行  
旅暑則置湯茗濟渴乏者辛勤精苦十餘稔  
至元甲申鼎丘孤巖獻公為忠難落受滿分  
戒時年三十有二忠願方日緘貌寒樸不越  
常人而神異罕測得無師自然之智出語若  
藕如泉決信其為再來人也未幾夢雲夢和  
尚論無傳授之道忠投以偈曰了無一法与

君傳萬丈岩前月正圓  
半夜苦吟二不就冷  
烟溪鎖釣漁船雲夢然之日子深得死生之  
旨者也戊子出游五臺晚至雲州值一大洞  
水瀑：駛若飛矢礮面有大石名百丈峰忠  
行僊就石坐空中忽聞人語曰汝隨我指來  
省時天已明開日視身恍在礮東忠乃感入  
雲州謁諸尊宿抵京礼潮音妙辯法師白以  
是事皆曰護法神應驗也後歸吳結菴宴坐  
薄化四衆持戒念佛期同生淨土四方之信  
徒者如歸忠具智通應用無方邑民雨暘瘡

孔禱之輒驗婦懷妊者求決女男臨乳必如  
所言卷居每謂侍者曰今日有檀施至可先  
修葺以接至期果然一日山行遇虎忠撫其  
背曰汝飢我無肉濟汝去虎即垂首嘆息  
而往人甚駭之於是化行邦國至于高麗日  
本無不慕其道安慶平章范公舍所居宅為  
寺請忠南山遂往見公曰知師得自然之智  
可無語乎寺方甃公以石灰命題即成偈曰  
工夫打就出深山烈火曾經煨一番粉骨碎  
身都不問要面明白在人間范公深慕之而

告曰吾寺已成請安其額忠曰少焉有額成  
而寺前陸地出復蓮一朶公乃函于朝陽賜  
曰永慶復蓮禪寺忠住後造七級寶塔聲是  
崇德爲民福田主之九年乞退以偈辭公曰  
古人卧樹多三宿我亦云何住九年寄語大  
檀賢宰相不圖名利只圖商賈而還吳曰業  
欲將老焉時國家聲聞海道緬艘輸糧詔江  
南有道德神異之士悉請護送糧艘入京一  
艘最鉅容萬斛同予詔者餘日此艘甚危非  
忠神力不能保請守之忠弗讓即逕風雨航

至大洋鯨濤掀天須臾樯折艘傾舟師怖泣

忠談咲而起以手搏飯擲艘左右若使鬼神

行焉疾抵直沽比它艘程先十日於是詣肉

見安祖或謂忠曰若儀容弗都何足以動人

主曰非汝輩所知也翌日趨內庭去祖主殿

陞但見其覓堂一嚴飾甚麗去祖吳而嘆曰

此真江南神僧也賜號圓通普竟大師大德

四年庚子隱去人見其乘白驃行高麗不知

所終忠吳迹甚著倡頌尤夥至今吳人多繪

其像奉于家以時享焉俗姓張皆稱曰張師

父云

贊曰昔南安嚴嚴尊者以倡起河源巨舟驅  
江南旣捷而賜男女人有求獲應如響惠洪  
傳而稱之今忠義渡運於永慶謹賴艘於洋  
海覩其神異之迹亦尊者之流亞也惜無惠  
洪之筆為書焉雖然忠之道昭然天地間又  
何藉乎額牒而不朽哉

西齋和尚傳

西齋和尚者四明人諱楚琦字楚石小字曇  
耀俗姓朱九歲渡浙水板秀之海誓天寧訥



翁模師授其經業母張夢日墮于懷而生和  
尚在襁褓中有神僧撫之曰此兒佛日也昏  
暗衆生將蒙其光而見佛矣故呼之爲曇曜  
尋依晉翁洵師於胡之崇恩洵師和尚從族  
祖也始得薙染爲沙門十六受滿分戒一日  
閉首楞嚴經至緣見因明暗成無見有處有  
省於內讀內外書了無碍滯後見桂山元叟  
端禪師咨決大事叟不少假辭色使其白誣  
會元英宗詔勅金書藏典和尚亦與其遊棄  
驛抵燕都夜開紫天門樓鼓鳴忽見桂山爲

人處即南還再忝往山叟見之曰且喜子大事  
已了俾以第二生說法衆皆驚汗和尚自初知  
知有西方弥陀教法清晨十念求生淨土未  
嘗一日少懈及住海鹽天寧築室西偏專志  
於淨業因號西齋爲室中置一小床日趺坐  
默觀自心三際空：不可得次觀東方有十  
萬億佛剎微塵數世界海空：不可得南西  
北方四維上下不可說不可說佛剎微塵數  
世界海空：不可得即於此處有大蓮花忽  
然出現其花莖葉充滿法界有一如來相好

端嚴坐其上。眉間白毫放出光明。其光所照。  
樓臺池沼。行樹閤扉。衆寶間錯。水鳥天樂。皆  
演苦空無我之法。見觀世音大勢至在其左。  
右。清淨海前後圍繞。皆得不退轉地。從空而  
起。遶觀世者。空不可得。不可得亦不可得。  
此和尚之觀佛三昧。和尚飯誡三寶。聲怨萬  
劫。凡見佛必讚見。捨必佛。礼衣必獻。而後服  
食。必供。而後食。拜跪行道。称念。思惟。無寒暑  
晝夜之間。年愈高而行愈苦。然而名動海內。  
洪武初三被

詔旨說法于京

情大悅未幾遂終於天界示宗之日沐浴更衣書

偈曰真性圓明本無生滅木馬夜鳴西方日

出書畢謂其屬帝堂聖公曰師兄我去矣公

曰子去何之曰西方公曰西方有佛東方無

佛耶和尚厲聲一喝泊然而化年壽七十五

僧臘六十三和尚年耆於淨業一門自行之

外而德化定於是撰二十二相頌八十種好

頌四十八頌偈十六觀贊懷淨土七言長句

一百十首標名著一百八首又折善導和尚

勸念佛偈八百化生讚及勸念佛篇娑婆苦  
西方樂漁家傲三十二首韻淨土詩一首其  
他宗門機緣語句有錄住山行道事業劬烈  
修葺于翰林宋公漁塔銘上首弟子景珣說  
法于蕪之萬壽

贊曰宗門中在昔備西方淨土者惟永明壽  
為最永明而降圓照本天衣懷黃龍新慈受  
深真歇了長芦願之輩皆脩之其明驗如青  
白也西齋和尚童牀時便知念佛至老行  
之愈力後立言以轉化四衆故於死生之際

游戲去來非得佛祖心髓者其孰能如此余  
惟近時宗門中人多逞空慧矚念佛為小道  
而不言及況備之者外悲夫

### 黃將軍傳

黃將軍者蜀人也其上世隱居蜀之武都山  
神農氏有天下欲試羣材以拯民疾苦迺遣  
使徧蒐山海間無間材之美惡纖鉅凡有可  
取者咸得而味焉使至武都過將軍之始祖  
僅見其魄然木毅有勇士風輒貢入見上試  
之知其性好勇武時上以至仁治化于勇武

無所取不用復遣還武都至軒轅汜為天子  
是為黃帝披山通衢翼之避逐出為將上  
即使儀與炎帝戰于涿鹿咸有厥功上大喜  
欲爵之愛其兒有中正之色煒々然如錦紋  
故上以賜姓曰黃逐有姓焉未幾天下平定  
四方來賓上將偃武以脩文德諸武臣輩罷  
渥日裏狹儀有大功不忍廢然老朽亦棄于  
野以故子孫累世無显人後大秦併吞六國  
用炮烙之刑以毒萬姓漢高帝具慈憐之心  
起沛中欲以兵伐之遂詔四方廣募將士得

備之十八世孫韓信蕭何進于帝曰陛下  
欲誅暴秦必擇信為上將使張敖戰必克  
矣於是高帝拜韓信為上將軍使領勁卒數  
萬攻咸陽大破之高帝遂有天下而成萬世  
之業封將軍韓信為拒敖侯賜其子孫以將  
軍世襲以萬戶於蜀故去為蜀人武帝時天  
下大定民庶洽和帝特嗜勇武復召將  
軍至京師選鍊士卒征伐遠有尋便將兵先  
掠其地趙惟喉舌突入心腹向一戰而敗績  
至是天下民物凋喪而國用殫矣武帝大怒



欲加斧鑕於將軍焉汲黯諫曰將軍曩與高  
帝誅暴秦定四海大有功於漢者也今日之  
敗績非將軍之罪也此陛下輕用之耳何以  
殺歟武帝聞黯言自悔遂免為庶人將軍之  
族甚大其一隱于武階厓石間有雄有雌然  
氣味少和雖能制伏蛇虺人見之多弗悅其  
一處于草木藁薄間類至衆惟精者連蘼四  
人者常與將軍同事于朝精者雖甘言悅人  
終不為無益連蘼為人能苦口極諫而盡忠  
然其聲譽皆出將宣之下而將軍又為二族

之長人咸敬而畏之故呼將軍為大黃太史  
公曰昔人有云冬日則飲湯夏日則飲水此  
時之所宜然尔竊觀將軍一勇士也寔少仁  
智武帝當平世任用將軍征伐遠夸至窮兵  
瀆武而天下罷歟可謂不達時宜者矣於戲  
後之為國家者於用武其可不慎之哉

徑山第五十三代住持明禪正宗廣慧

禪師愚菴及和尚行狀

和尚諱知及以中號愚菴俗姓顧蘇州吳縣  
人父茂卿好善有隱操母周事佛甚謹夜夢

一老僧惜宿於家而娠以元至大辛亥十一

月十有五日而生師：幼穎慧畧通人事即  
求出家父母以師為僧再來故弗奪其志至  
治甲子年十四出家于縣之穹隆山海雲院  
礼惟良為師泰定丁卯年十七薙染受具戒  
為大僧師博通內外書精於詩律雜之叅老  
學尤畏讓時時問國王清獻公都中居于菴  
騎遊穹隆間師以詩見焉公視師頭骨磽然  
貌堂々表如玉立及誦其詩清絕過人無一  
點塵俗氣公歎賞不輟故留師左右眷睞撫

勞愛之猶已子往山元覽端禪師道重天下  
嘗行化吳中遇海雲見師言動異等知為法  
門令器而記之曰侍者後當擣名山作陰涼  
大樹豈復一切人去在勿以家山為樂而自  
屈也師呈以偈有辨香他日為南望之句同  
邑行輩多遊教庠習經論師亦隨往鄉之先  
福聽講法界觀席未終師忽曰一真法界如  
來應供但有言說都無實義縱講得十成於  
我何益遂幡然棄之而去至順辛未年二十  
一始出遊方嘆德許公至金陵龍翔菴社鼎

盛居五山之上師往依焉時公以文章道德  
名重當世所交者多播紳先生如張侍御寧  
目王侍御繼學張翥仲舉危素太僕日公方  
大忝向禪要唱酬文字為樂一日王侍御賦  
金陵雜詠十首徵公座下能詩者咸和師次  
韻呈公：覽之極口稱道於是名儒鉅卿樂  
與師為方外友也由此声聞日震夏後師有  
聆吳之吳即辭公而還時雲心嶼首坐同舟  
雲心明眼人也謂師曰子資性高夔才氣英  
邁地日不有大就以昌佛祖之通豈可一向

事吟咏手師聞其言不覺面熱汗下空心偶  
讀真歇了禪師無盡懺記至偈曰黃葉飄  
滿庭砌一声磬杵落誰家向師云子作麼生  
會師內指空心笑曰子如不會後時得座披  
衣將何為人既而師歸海雲日夜疑著此事  
遷辟立萬仞不下蒲團者踰月一日出庭下  
見一葉隨風飄墮于前豁然契悟自此机辯  
英爽一時死敢當者未幾登徑山泰元叟禪  
師一見即向云侍者來了也將得甚麼來將  
得五蘊山子則且置將底人在那裏師矚目

云撐天住地史云莫亂統森堂去師端堂後  
一日上方丈問史云如何是徑山旨史云棋  
盤石燦破你腦門 盪池浸爛你腳板師云  
將謂奇特元來也只尋常史振威一喝師礼  
拜而退翌日俾充侍者師叅叩益勤欲尽大  
法淵奧乃復典藏克慎厥職人咸慕之至正  
壬午夏五月寄隱山石走声若迅雷至海雲  
佛宇後而止是歲師与子若父至中行宣政  
院公劇出安按郡志寄隱山石走當出狀元  
人以師祖子孫三人出安乃石走之驍師出

垂慶元昌國隆教開堂日辦香供元史不忘  
昔所記也師住僅三載百廢具舉乙酉繼述  
番燕赴七寒暑時海寇紛擾退歸吳中寺之  
者宿感師撫綏之德京院復來禮請至四三  
逆師堅拒不赴戊戌江潮澎湃遠失帖木兒  
募師遁行率領忠慈遺行人九曜峽乘驛往  
師受業海雲教請入寺師往之日當聚林間  
起山門事繁師身先列戒隨道治大眾安坐  
若起太平遠矣公請師開示佛法大要師烈  
其寒机不異南泉之接陸亘黃蘗之得襄休



也辛丑徑山虛席遯師補屬湖海讓頌如佛  
出世壬寅憺吏瞿範以師住淨慈日待之不  
礼街忽詣憲府要訴師為我袖白金与院之  
僚屬知師宿對不可逃避即赴官供款得罪  
杭城之民皆知師被誣多額天而泣者師起  
之自君遂來五雲山伏席達禪師道場夜禪  
晝誦若將終身師之格守無少交易真若大  
山長谷間鉅杉古檜歷霜雪而益堅實也癸  
卯省臺知師受誣交章改正復請師歸徑山  
四眾欢悅以為妙喜載去是時龍象來集百

倍於前一日新到僧參師問云汝名甚麼僧  
云智通云一切智通無障礙汝為甚麼頭  
築著処、繫絆僧云某甲泰方遇夏遇夏逢  
冬遇冬今日將來礼拜和尚並無繫絆師云  
汝因甚騰蛇纏足僧看脚下師云又通無繫  
絆便打又新到僧參禪師門近離甚処僧云  
湖州師云受業何処僧云端師子道場師云  
汝試作師子吼看僧擬開口師云喋矢狗便  
打師一日上堂僧問牛頭未見四祖時如何  
師云深山藏毒虺進云見後如何師云淺草

露羣蛇進云見与未見如何師云日出東方  
夜落西僧禮拜師乃云千波競起文殊家風  
一旦晴空普賢牀塌春光浩蕩鳥語綿蠻萬  
壑爭妍千岩正秀且道是甚麼人境界直下  
會得須更知有人境俱奪向上一路拈拄杖  
有時卓向千峰頂盡斷飛雲不放高又上堂  
迦葉糞掃衣價直百千萬輪王髻中宝不直  
半文錢常州草蟲一百文買一幅蘄州泥孩  
兒三文錢買一對有利無利不離行市猫兒  
偏解捉老鼠又上堂一二三四五六七地水

火風空覺識拈來數目甚分明、眼衲僧教  
不出數得出也大奇烏龜鎖敗壁雞白五更  
啼師之應機說法類如此東南士庶莫不慕  
風向化張藹仲奉時居燕都為翰林承旨北  
南兵阻音書久曠俄聞師領徑山開大鐘鼓  
燉凡鑄聖歡喜還祀為詩絕海寄賀

大明洪武庚戌師耆退歸海雲杜口危坐屏去植

洪山雲海月代為發机神駒駿奔戶屢常滿

師復白旆曰西麓退叟癸丑

聖天子知師有道 詔起赴 京館于天界寺師以

病免於對揚乙卯 賜還海雲設玄關廣絕  
交友得旦不越間者三年戊午秋忽示微疾  
至九月初四日黎明索浴更衣召大眾曰吾  
今日去矣汝等當念無常精進道業庶不負  
從佛出家也勉旃大眾悲恫請師留偈師遂  
授筆大書曰六十八年無生無滅滄海揚塵  
虛室迸裂度筆与桂弟慧鏡泊然而去龕奉  
五口容顏若生緇白瞻礼如佛入滅初九日  
荼毘天宮澄霽送者千人城動林谷既火燄  
成五色異香襲人如焚沉腦火餘牙齒數珠

不壞遺骼色如帝青舍利紛粘瑩然耀目徒  
弟大均徒孫云龍等奉遺骼暨諸不壞者奕  
于寧隆山之陰叅學弟子室盈分袂斐等不  
壞者歸任小附子無等才和尚塔石屋而塔  
焉師壽六十八僧腊五十一度弟子若干人  
嗣法若干人四會語錄翰林宋公濂序其奏  
首不待梓傳已行于安師處事通安至于接  
人應物如春風時雨無不披其拂澤故人教  
仰不暇師亦未嘗自做也嗚呼浙江之西自  
宋季迄今百有餘年所出人物一尚末李清

玩雜尸高位負盛名者有之然于提唱宗乘  
弄大旗鼓追配古德者惟師一人耳維時海  
川歸雅宗匠如了念欲焚石琦与師並駕齊  
驅求知孰先孰後故師在処泰學者雲委川  
湊曾無虛日於是元帝師錫號明辯正宗廣  
慧禪師、在香慈開堂日都監寺管齋冒支  
常住錢物次日伽藍神附守祠者降于香几  
呼都監寺而責之曰昨日開堂設齋汝破用  
錢物若干新長老嚴明整潔孰敢有犯汝不  
歸還求乞懺悔吾當令汝入鬼錄也於是寺

衆驚惧師威行令下風馳電震靡敢逆命至  
於隣剝皆效法焉師往徃山前後八年說法  
之暇營構方丈一新規模崇廣比旧尤勝師  
之嘉言偉績詎能殫舉村迂繆不文章廁門  
人之列故敢錄師出處萬一求當代立言者  
子以銘其塔垂於無窮者矣洪武十一年九  
月廿五日門人道衍謹狀

祭海虞席先生文

嗚呼邇本無生道寧有死曰死与生如川之  
水惟先生之洞達能順去而無已猶雲鵬之



避騫跡塵寰如敝屣念明靈之在昔辭庭闈  
而問礼師老氏以守雌處山林而樂只完羣  
真之秘籙將遊心于太始特嘯風以鞭霆每  
驅神而後鬼振霞袂之翩：戴星冠而韓：  
誦洞章於琮璽朝玄居於宝宸然其跡之不  
朽乃有得手象理惟百氏之該貫妙釋部与  
儒經故摺紳之從遊特卷：而多情不異道  
而棄予且尔汝而忘形接鄰光於旦暮異德  
教以相成愧棲煩之無似故荷宗以訢盟既  
歡洽而久如曷堂事手割烹喜詩筒之往來

或君唱而我廢憶昔通於西麓俄尋幽而獨  
行嘆惜之情話夜漏盡於三更或寬此言  
淪莽或笔葵芳調羹樂會合而聯句木迅發  
而驚神俾韓侯而退墨人疑古之弥明後予  
遷於樊園斯同樂于餘生奈抄述之如萍曾  
弗獲其所願嘆會離之莫測故少愉而多恨  
比東游而言還耳載聆於高論豁眼底之恒  
雲掃胸中之塵空造微尚以帛膠全交朋而  
問、歛蜨化以蟬蛻使復驚而霍然恍傳訃  
於山中從涕出而互頌謹洎吉於茲秋詣總

帟而備奠寓于束於短牋具壺漿与盃飴風  
澹：弓雲溶儼如覲於顏面

祭先師愚菴和尚文

維大明洪武十三年龍集庚申六月朔越  
五日甲子門人比丘道猗等以四會法語結  
集銀板流通印行茲展畢工謹偈菲食昨祭  
于先師徑山第五十三代住持明辯正宗廣  
慈禪師愚菴大和尚告之以文曰洪惟禪師  
傳佛心宗庶幾廣生了諸法室無說而說真  
會四崇開鬱天人羅絡象龍從衡廓徹自在

圓融有印斯應水月霜鍾浩蕩蕩百流匯  
東邪適魔結力還祖風妙喜家去載與載隆  
諸方仰共萬啄譽同化緣既畢順去長終法  
音無用俄而秋冬師所說法一何春容珠光  
玉潔妙疊玄重非比曲士語言是功點拙進  
巧揆青間紅此誠本難其珍罕遑設能沒棄  
忽如秋蓮新等昧者昔獲侍從遺慙慶喜結  
集因工比鑄于棠復印流通垂耀後世皎日  
瞳眈讀者開悟豈无古公茲焉告誠匪陳厥  
功進于靈几俯鑒微衷願同天澤廣被懷穹

空界有盡此法無窮尚享

逸塵類稿

虛類彙卷五

獨菴彙

書題跋

書真寔尊者一兩大師碑後

真寔尊者一兩大師碑丹丘朱君佑所製也  
按碑云一兩大師上虞縣五大夫市長慶寺  
僧也年二十六己酉夏六月縣大旱禾苗盡  
稿果官束手無以拯民遑之力罷弊而夏歲  
飢大師誓將大其軀以禱于天既火天降雨  
終日乃止於是禾苗之稿者復榮民力之罷  
五

醉者得以復甦故縣民感其德亟遺骸而塔  
焉余嘗讀史傳有一獄不決一人御寬則天  
或致之大旱使一人與濟衆之心至奮然不  
顧其形命者天得不感而降澤乎此理之必  
然者也嗚呼余見今之人不有拔一毛以利  
天下者多矣大師助然一釋子也乃能與濟  
衆之心頓捨形命而天為之降甘澤以濟生  
物者此豈非菩薩僧也耶居一人之下萬人  
之上參天地贊化育者其用心宜如何哉宜  
如何哉

書羅漢圖後

阿羅漢有三得決定宗成二增脩菩薩行三  
應化佛所化其名雖同而實有異凡愚之人  
以小果聲聞眇之良可嘆也此十六阿羅漢  
因中曾於佛所得記天上人間龍宮鬼域隨  
處應供作大福田利益有情此豈非應化佛  
所化者耶近世大夫士多繪為圖以作玩具  
其褻侮大聖之罪又非以小果聲聞眇之者  
也展是卷者當焚香祀敬以求福田利益慎  
勿以玩具為玩幸山比丘通衍拜書



題鄭大年所藏柳公權書金剛碑本

自有書翰以來天下之通都名山仙宮梵坊  
陵廟阡墓之間穹碑短碣題名誌文三代秦  
漢迄于隋唐宋諸朝何可勝數歷朝有、力  
而好于古者搜羅構置古書奇刻或全或缺  
集之于家以宝藏者多矣夫物之至堅者無  
踰金石至久者莫越于山陵故古今之人皆  
勒諸金石托之山陵欲與天地齊終始而不  
知山陵有時而頽壞金石有時而鏽泐況以  
古書奇刻片諸斷簡集之于家而能長保乎

至有好之極者或焚燬而求或欺人以取財  
何其不慧之甚者耶安國寺金剛碑唐柳

誠懸之所書玉冊宮御建初所摹西明寺  
之本也歲遠代深而淋火燬剝落浸滅僅存  
其半然字畫勁道可愛垂珪殘壁斷豈勝頑  
礦之全者也鄭君大年得之於弘上人而弘  
不知得於何人大年請余題余故謂之曰物  
之存亡散聚理之固然未足繫于懷也是經  
有云一切有為如夢幻泡影露電大年作如  
是觀或得或失可付一笑

題東坡金剛經刻本

余故友常宗太史以其先大人恭孝先生所  
藏宋太師蘇文忠公書金剛刻本一卷施種  
之施子林正因上人太史家立乎儒人以太  
史弗能信乎佛僧与之友而合者寡言与余  
友而合者以文也殊不知太史聰明照了二  
教一致但能自力其教則通無不在是矣蓋  
非仇於佛者也何以知其然哉余与太史每  
會于師子林嘗論夫二教太史則曰子為釋  
我為儒各盡其道乃已不必論也余故知太

史但欲自力其教非仇於佛者也況以是經  
施上人曾無一語及于福振又豈非深達是  
經所謂無往相布施者能如是耶上人出是  
經請余題其故書及此嗚呼太史捐館未遠  
神靈如生聞余斯言必有有通於地下矣

題孟氏安系圖後

新髻歲時從材翁先生授儒書里之同學者  
三十餘輩先生以予幼頗慧愛殊於衆先生  
凡值節序則出一畫像以祀其像兒輩盈料  
然若玉麟森拔挺然若劍冠佩黼黻煒々堂

堂狀疑天人余仰之瞻之且愕且喜稽首而  
問于先生曰此何如人也先生曰汝奚問也  
曰此偉人也不欲予知之乎先生咲而語余  
曰此吾云安祖信安郡王也指廟昭慈圣獻  
太皇太后為其姑太師豫章郡王為其父太  
師韓王為其大父吾宗至信安為盛之極矣  
余聞先生之言根于心而未忘今先生歿已  
廿五年余不從浮屠而將老為先生之子熙  
一日出孟氏世系圖示余請題余以孟氏自  
魯公族孟孫之後聯芳續蔓代代不乏賢唐

及五季至趙宋而來皆以武弁起身官始顯  
著而子孫始蓄衍寔為世名家非他氏可倫  
擬源深者流必長本大者末必茂斯言至哉  
信哉於戲先生于九原不可復作當日同學  
之人又皆零落無幾念先生與余語作安家  
去時真若一夢事今觀是圖能無感乎能無  
慨乎

題華光梅二首

玉立精神滿洒逸格真如孤山烟雨中半開  
時也自不多見

縣崖孤絕影落：倒入江流清淺間矯如游  
龍見者莫不毛骨洒然霞外史題

題王叔明畫漫竹圖

黃鶴山人趙魏公之外孫也人品高致文氣  
英邁絕似於趙獨画山水人物不法於趙而  
刻意高古畫得輞川北苑之趣至於墨竹直  
欲与文湖州相頡頏蓋此老識見超卓藝學  
精到宜其流声海宇間也漫竹圖余与山人  
在京寓龍河時余求山人寫寄守仁者山  
人已告老歸杭余亦逆于旧業相去數閱月

矣今守仁出示此圖因想其復玉並立晴影  
娟娟披拂于風軒月輝之下正如予与山人  
在龍河上跌坐劇談大咲相對時也玩圖三  
歎曷勝遐思洪武九年九月得題

題祖顓篆書般若心經後

般若心經自姚秦至於李唐趙宋及元凡六  
譯其之讀誦書寫流通盛行者惟唐玄奘所  
譯姑脊祖顓子靜以篆法書是經古雅端勁  
可謂能品先師祖徑山題其後曰熒以唐太  
宗閱般若大經文富義博日應萬机卒難覩



曉因縮金口所譯六百卷與旨成此一經不  
知先師祖何從而有是說也若獎爲太宗以  
便其觀覽故易廣成畧而秦之羅什所譯居  
獎之前當爲何也況是經譯之有六非独獎  
手先師祖據凌霄峯頂二十年以向上一著  
單提獨美超佛超祖使一切人直趣無生之  
地觀者當不以語言文字之間論之矣

題西齋南堂二禪師贈京大方偈後

西齋和尚至正間說法于嘉興之本覺時南  
堂和尚退處東偏二大老之道德慧辨猶秦

山華嶽相高並秀一時人所敬慕故湖海衆  
龍雲奔川赴室無靈榻然應接之餘以法喜  
禪悅為樂交唱迭和金春而玉應一言脫口  
傳者塞道真若妙喜竹菴同夏于雲門時也  
莆田京大方以公選住持龍華祥寺來京師  
試其紫相見龍河上大方出示為本覺侍者  
戒辭時二大老所贈兩偈付謹熏沐捧讀再  
四其款艷虔快如身在本覺左右親聆法音  
也吁哲人已矣後生何依執筆為書揮涕無  
極

疏

璚瑩中住爲壽諸山疏

少林垂五葉之芳榮布震旦北山冠諸峰之  
秀光表勾吳何歲月以星馳奈叢林之秋晚  
細欲與其已墜士必得其絕倫恭唯某豫章  
奇林春風和氣八面受教遠錄公機智無殊  
諸方讓雄英印武威聲斯下志不反初出仕  
言動 砥宸能行拔俗超方名揚梓里既留  
根錯節以別利器然高山流水空遇知音而  
玉帶鎮山門好看燕子輶木毬示徒侶大咲

魯卽載啟宗乘式修鄰好

行中禪師往蘇州萬壽江湖疏

善知識如曇華現瑞寔曰奇哉古道場如寶  
月淪輝詎云陋矣欲展倚天之鉅剎必求絕  
代之偉人恭惟某德冠諸宗學兼百氏熟玩  
乾坤造化不忘師友淵源說法類生公誠已  
通於頑礦屬文以潛子貴猶過於貞金美璧  
錄有是翁謂風流無此老碩德既挂居人上  
高名宜簡在

帝心  
與其處林下撫松枝以盤桓孰若出世间握

竹篴而显化，澹居乍別山。中猿鶴，鸞鶴棲空室。  
重開海內衆，龍歡集。願言風駕式，慰吾盟。

京大方住興化府龍華法眷疏

古道將湮，邪說愈熾。大雅不作，淫哇寔蕃。顯  
正已，喜得其賢。登庸必尊，居其位。某廣博度  
量，老成楷模。大爐煅裏，久煉純剛。日叢林中  
，枕生鉅幹。三篋束腰，道同桑嶠。一食接氣，行  
擬玄沙。瓊蓮池邊，拈兔角杖。而示衆。七星樹  
下，揮毫毛拂。以談空。使西齋之通，盛行全南。  
閩之風大變，天柱高而坐。不極雲氣，溶々海

宇濶而想莫想窮予懷渺々幸聞飽唱會有  
賞音

均萬宗住法華諸山疏

前天王長老萬宗禪師乃徑山愚菴及公之  
高弟得法於南楚悅公向潛通受經閱歲已  
遠吳梁法華禪寺久虛主席寺衆莫愛諸師  
補康殊協輿情於是吾黨相率具疏以賀云  
古以道為貴弗以位為重輕蓋士之出處恒  
一於得喪忻戚何有哉今特不然惟位是貴  
道非是貴進取者以請退為隘靖退者以進

取為汙各矜已得相詆互毀不啻里胥市販  
其可嘆歎果行止以時致志於道者或見有  
其人焉若我禹宗禪師孝為時用所以古規  
出西麓之門嗣南楚之法靜固有意動亦無  
心茲徇衆所請往持覺城道場大開法施以  
惠澤于羣有允矣人天胥慶宜尔宗社有  
光

順福源住台州天真江湖疏

學克乎已何患不成今名道濟于人要使得  
居高位時既至于今行焉其行清如水德

溫若玉登入嬾菴之室佳声並揚再傳廣智  
之燈祥光煥發宜尔高提鉏耜不妨隨處佳  
山用智以愚詎特鄉閭之敬藏輯於訥故多  
士俗之歆企行石室龍湫咸振魔宮虎穴殷  
勤致賀豈曰山川阻修蒲伏出迎應念湖江  
舊好

述古通住菴淫廣孝諸山疏

大哉佛隴之學弘斯在人偉乎天竺之內振  
亦有子既抱令器當際明時某人形山清奇  
性天朗霽百氏九流登曾旁達一心三觀結



得正傳昔從

京國來歸皇：古道久嚮湖山偃臥渺：予

懷詎宜玩世而隱焉止合為人而出也得地

和道要期佛運重興集衆談經用祝

皇國永固輪車如風從者如雨聖稱覲瞻蓬萊在

東昆阜在西不妨來往克徇衆望以慰同盟

復西原生焦山寺方外交疏

蘇翰林與給公雅合情見手詩王相國共元

老神交名存諸簡景慕昔賢之遺烈允宜吾

輩之傾誠某學賈古今通忘內外奮神机而

全超迅電縱才辯而不讓奔瀾話已行於吳  
門步載揚於京邑吸江亭上會瞻復旧風光  
浮玉峯前佇看斬新氣象迺邀悅服緇素樂  
從航一葦越渺曼有約訪鍊丹之跡躡復鳧  
陟猷嶠尚期尋瘞瘡之銘毋我遠而永為好  
也

智海岩佳太平萬壽江湖疏

萬壽本律院兵後衆散久為黃冠所占今年  
寺僧特奉

上旨復業還羣律為禪

大法垂秋危平一絲九鼎高才應去岷君砥  
柱中流每仰昔賢忽見今日某老成儀則暢  
遠襟懷侍香鍾阜山中曾哥小艷掌藏龍河  
寺裏栽契玄机不惟真透閑人亦且善翳情  
法三十年道隱何異枯木寒岩一旦化行不  
起春風大地固新旧剎檀美明時既能顯正  
摧邪宜尔從禪竿律挺：伸其懷屈孰与公  
手瓢：逐彼漚肉寧忘我也

權藏主住積慶寺方外交疏

劉遺民結蓮社之盟高風益振白樂天領烏

案之話卓識尤崇古者既公有焉今人詎不  
能尔某襟懷明淨形儀老成早入教庠已解  
觀心觀具探禪海了知離相離名不走通途  
何由達觀教即禪、即教餅盃釵釧同金心  
是佛、是心挂燄炭烟保火坐斷三賢十聖  
掃室百界千如龍象交泰試看粘槌豎拂風  
雲際遇或瞻出谷迂喬藥社有輝吾侪多  
幸

淨慈開藏主住衡州資忠杭州諸山疏  
蟠桃三千年始華遇時而發大鵬九萬里斯

舉要運乃行學者積業居其躬才之應用遠  
其道某竹菴端子莆室親孫收得歲裏摩尼  
五天光燄掀翻門前湖水平地波濤把茆蓋  
頭豈惟約以處已入屢垂手要須出則爲人  
道既行於三衢名宜傳于兩浙越山隔岍載  
瞻氣象崇高吳池到江爰望祥鳴來往願言  
夙駕庶慰同盟

普光灝宗源住寶幢江湖疏  
海寶有時出興力能教也佛法無人演說智  
可通乎故孝者不求諸師苟成矣須行其志

某驚峰風記北塔親傳古今羣集義熟胸中  
父子一門道行吳下以器授器猶德雲之接  
善財是精識精如晉水之得大覺緣離普光  
明殿便立如意寶幢長誦碧室自王雜花之  
富仰望明月孰與瓊蕊之高進以時退以時  
頭：今轍理無碍事無碍處：通途不忘湖  
海往來要看雲雷變化

上希古住護国江州疏

心外無法十方不同臺座眼裏有筋萬物莫  
透影象皆尔當仁久歲妙用何妨得位大南

玄猷某迹混令人心性古通毋參左菴嫡嗣  
師勝資強載承夢世親傳宗通說妙占其進  
也實彼公言勉而行之匪予私慶破沙盍金  
声玉振爛葛藤珠璣聯光將道價之喧天俾  
宗綱之拔他江湖夜雨孰云滄鷺盟寒門戶  
春風茲喜李桃豔煖山川休邀德音不忘  
照秋江住袁州南泉大慈化寺 京城

諸山疏

古称法道之盛惟大江以西故善知識者甚  
衆獨百丈得大機於馬祖始立叢林清規天

下邳之萬安不易然江西列剎岳後湮無其  
規不泯如髮茲南泉大慈化寺衆雖非旧而  
禮儀軌則尚有可觀故宰之者苟非有道不  
可秋江禪師寔受經之地太室宰馬禪師老  
成古澹清慎明婉真透閩人善翳晴法比分  
座于南京天界戒解而旋茲先衆請乃復宰  
之吁禪師既蒞其事宜力行古規夙夜惟謹  
藂林克興以副輿望

### 江湖疏

乘駟馬過此橋以見其志駕輕車就熟路過



順手情古既有人今豈無士某真金百鍊奇  
材十圓煮鉄釘飯大接方來弄葛藤禪廣隨  
机應觀光

京国宜祇得鄉里之善名法天宮誠可擬紫  
林之古槐茲肯爲人以出要湏得地而行端  
欽故丘戴見栢間芝秀遷於喬木莫忘江上  
鷗閒

妙智院重建疏

里曰相城附東吳之地院名妙智肇開南宋  
之時雖他方壯麗靡同然此處吉祥是最迹

于戎廢鞠為茂礫之墟旧建法幢忍作危抓  
之固茲擬斬新氣象要因復旧規模苟能合  
於輿情庶不辜於吾願殿堂門廡地設天成  
木石埒灰川奏雲華與之奎与之庾當達於  
義之人式如玉式如金尤在祝鑒之士

台州府寧海縣廣潤禪寺重修佛殿化  
疏并序

寺在縣之瑞雲山昔景祐尊者航海而來因  
見此山勝特宜建梵刹故興其業焉歷歲弥  
遠火佛宝殿及旁宇皆毀不足稱其瞻仰雅

以容祝釐之多士茲欲鼎新重建然其木石  
工傭等費甚大非藉衆力烏能成之佳山以  
道禪師來

京都命余作疏以告四方富仁長者同道高  
流伏望有目題注共成勝緣則其福報不言  
可知矣於是

燕山慶壽道行不拂其來意歡喜合掌製之  
以詞曰

伏以量猷尊者肇開千載精籃輝迺如來原  
建五極寶殿雕栴面楠照日倚天碧瓦璇題

凌風震雨瑞雲地湧惟此處最吉祥摘星嶺  
依稀衆山皆培塿然歲月之深矣奈果木其  
懷手擬欲新之當求長者人心斯舉天通彼  
從貧施力富施金要見檀家度量左執斧右  
執杖即看梓匠輪輿雅制作之惟新稱覲瞻  
之如日衆庶多福吾

皇萬年

嘉定縣曲先顯慶禪寺脩造疏

并序

本寺宋乾通間能禪師所創後因觀音大士  
靈木聖像顯著特吳遂成大招提歷朝為縣

之都祝圣通協農為典安門廡法堂僧道方  
丈庖福衆室悲愷撒惟大佛宝殿輪藏觀  
音二殿懂得不數頻年東行化募備葺用大  
力窮卒不見其成功故茲特疏仰叩達官長  
者同通高流或一力或衆力共濟厥美斯為  
幸焉申之以詞曰

棟莖草建精籃孰究其旨用一木支大厦豈  
曰後勞慨先賢初業孔艱宜後人繼志惟允  
春茲鉅刹宏雄特冠畛域念提聖師靈著著  
聞吳郡寔諸山會同之所歷三朝悠遠之年

城是人非衆屋顏手皆毀天長地久三殿歸  
然独存雖廢具之在人要棄除之有教曰規  
欲復鑿用難罔一諾千金起會逢檀越三  
呼

萬歲時、仰祝楓宸

蓮菴法師化觀室疏

夫即歸會稽菴幕賓捐貲以遺遠公詣巨阜  
得陽守叔寺而居喜天下之英才仰方外之  
高教惟我蓮菴法師解超融獻行擬韓臻  
奉天殿說法還山何其榮也兩華堂奏功退

席可謂高哉年終心閑合造修之有地山室  
木落奈止息之無廬為弟子因當用心在交  
朋六宜戮力故千檀度欲建菟裘行逢緣華  
點頽立見璇題耀日刺蓮花漏修妙觀於六  
時翻貝葉書說

壽齡於萬歲

注續補楞嚴經板疏

佛以心為宗本無法之可說人非言顯矣有  
智而莫通惟首楞嚴大經寔諸菩薩了義七  
微八辯悟真性之常圓六解一亡示結妄之

同體神呪密秘非為拙黃配白之文妙旨甚  
深重演流水貫花之偈茲銀于板將廣其傳  
惜散失以不全欲結修而具備故于檀度通  
構棠梨庶擇匠以刊之必使印而行也宣傳  
散施處覆流布法雲讀誦受持人々今開通  
心地功非小補福不唐捐

補怛洛伽山觀音禪寺修造疏 并序

茲山據東南海上孤絕之處其地屬四明之  
昌國即華嚴大經所言善財第二十八參觀  
自在菩薩處諸大菩薩圍繞說法之地也然



聖凡變隔去因知爲山之趾有潮音洞善財

岩山之顛有盤陀石觀音岩三摩地等靈蹟  
化鏡不可殫紀唐大中間有梵僧來即洞中  
求現幡十指盡菩薩爲說妙法授以上宝色  
石山之名於是始著其後日本僧慧鑄白立  
基山得菩薩像舟還其目至洞旁輒不動鎔  
以像舍于土民張氏家張睹神異遂捐所居  
爲請不去觀音院宋元豐中王舜封使三韓  
至此颶風驟起鉅舟負舟將溺舜封懼江向  
山作礼随禱即泊在還朝以事上聞於是朝

延降金帛建寺於山之陽錫額曰觀音宝陀  
寺故每歲三韓日本將柔阿牟唐城渤海諸  
番之國雜商信使鉅艘一出由此取道謂之  
故洋必皆致禱以求祐焉建炎間真歇了禪  
師卓屋于寺之東榜曰孤絕菴遂主其寺紹  
興乃請于朝革律為禪安衆行始道大異其  
業嘉奎三年圓通殿摧佛照韶公奏聞蒙中  
殿賜緒錢一萬貫為構成先是公以潮音洞  
求現者無措呈地遂鑿石甃橋上南將賜御  
書圓通宝殿大士橋二額乃哀衆施建龍章

閣以秘之。至元之大德二年內朝又加崇敬  
頒賜白金重建寺宇。飭江浙行省遣僚吏同  
蒞其後。咸為新之。屢降祝香。金銀繒綵。中室  
供具。曾無虛歲。寺宇極宏敞雄麗。殆非人間  
所有。然歲月綿亘。海風山雨。震蕩淋落。日  
就頽圯。茲欲支傾補弊。易舊固新。然所費非  
鉅萬不能濟。其用於是持疏遍于十方。礼越  
伏望廣開施門。大書芳字。豈不榮幸者歟。故  
申之以詞曰。

圓通大士。普現淨法界身。補陀名山。特彰全

道場地紫竹林間堂瞻月白  
花岩畔每听潮音慧鐸師  
肇基於李唐始修律度真歇  
翁恢宇於趙宋方開禪宗湧  
殿蜚樓觀、手倚山照海廣  
堂密室凜、爲怖鬼驚神物  
換星移何日月之逝矣天荒  
地老奈果木其坏乎弗稱仰  
觀豈生忻艷茲欲展夫顛持  
危之志必須訪拔山扛鼎之  
雄若肯爲吾事濟矣既易小  
而爲大當整旧以如新允宜  
古佛降靈雅遜衆生植福烟  
霞紫著真同閤苑蓬萊金碧  
煥然矣起夜摩睹史載昌像  
運蓋符

皇圖

普慶福田寺重興疏

國一瞻恋之山由茲初始宋熙過化之地宜  
尔重興棟莖草現玉殿琉璃樓破微塵涌龍宮  
海藏欲舉釣鰲之手必須扛鼎之雄輸釜庾  
以傾箱倉大彰懣悌剝榛而畚瓦礫煥發  
光明木石山儲磚灰沙委復睹舊時風月重  
聞此處鐘魚九夏安居幸衲子之身有托六  
時禪誦祝

聖主之壽無疆

南翔寺修造疏 并序

梁天監間有齊禪師者處止於此日有雙鶴  
侍行人知其為異人莫少卿首為舍財創寺  
當槎浦之上故老相傳為漢張謇乘槎之所  
其他川原平衍民物豐庶寺居其間為彼植  
福殿閣雄偉光麗日星象不下五百多出名  
德寔東南之第一宝坊也宋端平間賜南翔  
額丞相鄭清之書至乎歷代名公鉅卿高僧  
秀士若張商英簡北礪輩皆有題詠四方至  
今稱焉

聖朝洪武初為欠糧事抄籍官續奉

上旨撥還僧居焉

國祈福然而大佛宝殿藏經殿弥陀殿觀音署  
賢等殿度鍾之樓說法之堂方丈香積三門  
兩廡雜衆室苟充歷歲既遠雨漚風擊樁頽  
樁圯茲欲構材鳩工爰煩補敝所費不貲非  
大心檀越豈能成辦此功德事所以持疏徧  
干十方檀信王公大人富仁長者得絲毫點  
頭則吾事濟矣其福報豈在乎言輟復勉之  
以詞曰

博望侯乘槎之所冥曰上游齊禪師卓錫之  
場蔚為望刹賜額維從趙宋造端乃出蕭梁  
危樓禁閭西映飛雲廣殿修廊璇題耀月衆  
容五日開士曾同鴈宕天台樂奏三千妙音  
何翅夜摩睹史在珠事英幸靈光之僅存屋  
老僧殘欲公輸之重整既興素志須叩英賢  
華座夙生好使青衿羣集階前月上喜瞻白  
鶴凌歸用轉法輪期資王度